

摛藻堂四庫全書薈要

集部

欽定四庫全書會要

集部

御定全唐詩卷五十一

詳校官原任主事臣李斯咏

欽定四庫全書
欽定全唐詩卷一萬七千九百十五

集部

御定全唐詩卷五百十

張祜

張祜字承吉清河人以宮詞得名長慶中令狐楚表薦之不報辟諸侯府多不合自効去嘗客淮南愛丹陽曲阿地築室卜隱集十卷今編詩二卷

遊天台山

崔嵬海西鎮靈跡傳萬古羣峯日來朝累累孫侍祖三

茅即拳石二室猶塊土傍洞窟神仙中巖宅龍虎名從
乾取象位與坤作輔鸞鶴自相羣前人空若瞽嶢嶢割
秋碧媧女徒巧補視聽出塵埃處高心漸苦纔登招手
石肘底笑天姥仰看華蓋尖赤日雲上午奔雷撼深谷
下見山腳雨回首望四明蟲若城一堵昏晨邈千態恐
動非自主控鵠大夢中坐覺身調調東溟子時月却孕
元化母彭蠡不盈杯浙江微辨縷石梁屹橫架萬仞青
壁豎却瞰赤城顛勢來如刀弩盤松國清道九里天莫

覩穹崇上攢三突兀傍聳五空崖絕凡路癡立麋與塵
邈峻極天門覩深窺地戶金庭路非遠徒步將欲舉身
樂道家流惇儒若一矩行尋白雲叟禮象登峻宇佛窟
繞杉嵐仙壇半榛莽懸崖與飛瀑險噴難足俯海眼三
井通洞門雙闕拄瓊臺下昏側手足前採乳但造不死
鄉前勞何足數

送蜀客

楚客去岷江西南指天末平生不違意萬里船一發行

行三峽夜十二峯頂一作上月哀猿別曾林忽忽聲斷咽

嘉陵水初漲巖嶺耗積雪不妨高唐雲却藉宋玉說峨眉遠凝黛脚底谷洞穴錦城晝氲氤錦水春活活成都滯游地酒客須醉殺莫戀卓家爐相如已屑屑

團扇郎

白團扇今來此去捐願得入郎手團圓郎眼前

西江行

日下西塞山南來洞庭客晴空一鳥渡萬里秋江碧惆

帳異鄉人偶言空脉脉

渭川寺路

日沉西澗陰遠驅愁突兀煙苔濕凝地露竹光滴月時
見一僧來脚邊雲勃勃

夜雨

靄靄雲四黑秋林響空堂始從寒瓦中淅瀝斷一作愁滴

人腸愁腸方九迴寂寂夜未央

秋晚途中作

落日馳車道秋郊思不勝水雲遙斷緒山日半銜稜遠
吠鄰村處計想羨他能

拔蒲歌

拔蒲來領郎鏡湖邊郎心在何處莫趨新蓮去拔得無
心蒲問郎看好無

車遙遙

東方朧朧車轆轤地色不分新去轍閨門半掩窓一作牀
半空斑斑枕花殘泪紅君心若車千萬轉妾身如轍遺

漸遠碧川迢迢

一作樓追
一作樓樓

山宛宛馬蹄在耳輪在眼柔

間女兒情不淺莫道野蠶能作繭

捉搦歌

門上闌牆上棘窓中女子聲唧唧洛陽大道徒自直女
子心在婆舍側嗚嗚籠鳥觸四隅養男男娶婦養女女
嫁夫阿婆六十翁七十不知女子長日泣從他嫁去無

悒悒

鴈門太守行

城頭月沒霜如水
越越踏沙人似鬼
燈前拭淚試香裘
長引一聲殘漏子
駝囊鴻酒酒一杯
前頭滴血心不回
閨中年少妻莫哀
魚金虎竹天上来
鴈門山邊骨成灰

思歸引

重重作閨清旦鐸
兩耳深聲長不徹
深宮坐愁百年身
一片玉中生憤血
焦桐彈罷絲自絕
漠漠暗魂愁夜月
故鄉不歸誰共穴
石上作蒲蒲九節

司馬相如琴歌

鳳兮鳳兮非無皇山重水濶不可量梧桐結陰在朝陽
濯羽弱水鳴高翔

雉朝飛操

朝陽隴東泛暖景雙啄雙飛雙顧影朱冠錦襦聊日整
漠漠霧中如衣繫傷心盧女弦七十老翁長獨眠雄飛
在草雌在田衷腸結憤氣呵天聖人在上心不偏翁得
女妻甚可憐

觀徐州李司空獵

曉出郡城東分圍淺草中紅旗開向日白馬驟迎風背
手抽金鏑翻身控角弓萬人齊指處一鴈落寒空

獵

殘獵渭城東蕭蕭西北風雪花鷹背上冰片馬蹄中臂
挂捎荆兔腰懸落箭鴻歸來逞餘勇兒子亂彎弓

鸚鵡

栖栖南越鳥色麗思沉淫暮隔碧雲海春依紅樹林雕
籠悲斂翅畫閣豈關心無事能言語人聞怨恨深

再吟鸚鵡

萬里去心違
奇毛覺自非
美人憐解語
凡鳥畏多機
未勝無丹嘴
何勞事綠衣
雕籠終不戀
會向故山歸

酬鄭模一作樸

司直見寄

故人滄海曲
聊復話平生
喜是狂奴態
羞為老婢聲
官一作計
途終日薄身
事一作計
長年輕猶賴
書千卷長隨一

權行

送蘇紹之歸嶺南

孤舟

一作身

越客吟萬里曠離襟

一作衿

夜月江流闊春雲

嶺路深珠絲楊氏果翠耀孔家禽無復天南夢相思空

樹林

送沈下賢謫尉南康

秋風江上草先是客心摧萬里故人去一行新鴈來山

高雲緒斷浦迥日

一作月

波頽

一作開

莫怪南康遠相思不

可裁

送盧弘本浙東覲省

東望故山高秋歸值小舶懷中陸續橋江上伍員濤好
去寧雞口加餐及蟹螯知君思無倦一作限
一作讀為我續一作讀

離騷

晚次荆溪館呈崔明府

艤舟陽羨館飛步繚疎檻山暝水雲碧月涼烟樹清長
橋深漾影遠櫓下搖聲况是無三害弦歌初政成

寄朗州徐員外

江嶺昔飄蓬人間值俊雄關西今孔子城北舊徐公清

夜遊何處良辰此不同傷心幾年事一半在湖中

旅次上饒溪

碧溪行幾折凝耀宿汀沙角斷孤城掩樓深片月斜夜
橋昏水氣秋竹靜霜華更想曾題壁凋零可歎嗟

送徐彥夫南遷

萬里客南遷孤城漲海邊瘴雲秋不斷陰火夜長然月
上行虛市風迴望舶船知君還自潔更為酌貪泉

送韋整尉長沙

遠遠一作道長沙去憐君利風

一官風帆彭蠡疾雲水

洞庭寬木客提蔬束江烏接飯丸莫言卑濕地未必乏

新歡

送外甥

衰年生姪少唯爾最關心偶作魏舒別聊為殷浩吟白
波舟不定黃葉路難尋自此尊中物誰當更共斟

贈薛胄臣侍御

一作送劉崇德
尉睦州建德縣

一命前途遠雙曹小邑閑夜潮人到一作帶郭春霧鳥啼

山淺瀨橫沙堰高巖峻石斑不堪曾倚櫂猶復夢昇攀

送曾贊游夔州

不遠夔州路層波灔澦連下來千里峽入去一條天樹
色秋帆上灘聲夜枕前何堪正危側百丈半山顛

送李長史歸涪州

涪江江上客歲晚却還鄉暮過高唐雨秋經巫峽霜急
灘船失次疊嶂樹無行好為題新什知君思不常

贈契衡上人

小門開板閣終日是逢迎語笑人同坐修持意別行水
花秋始發風竹夏長清一一不作恨恓惶父憐師記姓名

走筆贈許攷赴桂州命

桂林真重德蓮幕藉殊才直氣自消瘴遠心無暫灰劍
稜叢石險箭激亂流廻莫說鴈不到長江魚盡來

題上饒亭

溪亭拂一琴促軫坐披衿夜月水南寺秋風城外砧早
霜紅葉靜新雨碧潭深唯是壺中物憂來且自斟

題僧壁

出門無一事，忽到天涯客。
地多逢酒僧，房却厭花棊。
因王粲，覆瓿是禡衡。撾自喜，疎成品。
生前不怨嗟。

寄盧載

故人盧氏子，十一作數。載曠佳期，少見雙魚信。
多聞八米詩，侏儒他甚飽。欵段爾應羸，勿謂今劉二。
相逢不熟槌。

送楊秀才游蜀

鄂渚逢遊客，瞿塘上去船。
峽深明月夜，江靜碧雲天。
舊

俗巴渝舞新聲

一作離情

蜀國弦不堪揮慘恨一涕自潛然

送楊秀才往夔州

送楊秀才往夔州

鄂渚逢游客瞿塘上去船

此二句與送楊秀才游蜀詩同

江連萬里海

峽入一條天鳥影沉沙日猿聲隔樹煙新詩逢北使爲

草幾巴牋

途中逢李道實遊蔡州

征馬漢江頭逢君上蔡游野橋經亥市山路過申州僻
地人行澀荒林虎跡稠殷勤話新守生物賴諸侯

富陽道中送王正夫

杼
音析杼上荒原霜林赤葉翻孤帆天外出遠戍日中昏
摘橘防深刺攀蘿畏斷根何堪衰草色一酌送王孫

送韋正字析貫赴制舉

一作科

可愛漢文年鴻恩蕩海壠木雞方備德金馬正求賢大
戰希游刃長途在著鞭竚看晁董策便向史中傳

贈貞固上人

南國披僧籍高標一道林律儀精覩布真行正吞針掇

火身潛起焚香口旋吟非論坐中社余亦舊知音

題贈志凝上人

悟色身無染觀空事不生道心長日笑覺路幾年行片

月山林

一作房

靜孤雲海櫂輕願為塵外契一就智珠明

送瓊貞發述懷

送出南溪日離情不忍看漸遙猶顧首帆去意難判最
恨臨行夜相期幾百般但能存歲節終久得同歡

寄靈澈上人

老僧何處寺秋夢繞江濱獨樹月中鶴孤舟雲外人榮

華長指幻衰病久

一作病久不

觀身應笑無成者滄洲垂一

輪

一作綸

溪行寄京師故人道侶

一本無京師故人四字

白日長多事清溪偶獨尋雲歸秋水闊月出夜山深坐

想天涯去行悲澤

海一作畔

吟東郊

一作京華

故人在應笑未

抽簪

一作誰念浮沉

贈僧雲栖

塵尾與筇枝。幾年離石壇。梵餘林雪厚。棊罷岳鐘殘。開
卷喜先悟。漱缽知早寒。衡陽寺前鴈。今日到長安。

送魏尚書赴鎮州行營

河塞日駿駿。恩讐報盡深。伍員忠是節。陸續孝為心。
坐激書生憤。行歌壯士吟。慙非燕地客。不得受黃金。

寄遷客

萬里南遷客。辛勤嶺路遙。溪行防水弩。野店避山魈。
瘴海須求藥。貪泉莫舉瓢。但能堅志義。白日甚昭昭。

題蘇小小墓

漠漠窮塵地蕭蕭古樹林臉濃花自發眉恨柳長深夜
月人何待春風鳥為一作自吟不知誰共穴徒願結同心

江南作

一作江
旅泊

楚塞南行久秦城北望遙少年花已過衰病柳先凋客
淚收廻日鄉心寄落潮殷勤問春鴈何處是煙霄

題王右丞山水障二首

精華在筆端咫尺匠心難日月中堂見江湖滿座看夜

凝嵐氣濕秋浸壁光寒
料得昔人意平生詩思殘

右丞今已歿遺畫世間稀
咫尺江湖盡尋常鷗鳥

一作鴻鴈

飛山光全在掌雲氣欲生衣
以此常為玩平生滄海機

將之衡陽道中作

萬里南方去扁

一作孤

舟泛自

一作自

販

身長年無愛物深詬

少情人醉卧襟長散閒書字不真
衡陽路猶遠獨與鴈

為賓

讀狄梁公傳

失運廬陵厄乘時武后尊五丁扶造化一柱正乾坤上
保儲皇位深然國老勲聖朝雖百代長合問王孫

題真娘墓

在虎丘西寺內

佛地葬羅衣孤魂此是歸舞為蝴蝶夢歌謝伯勞飛翠
鬟朝雲在一作斷青蛾夜月微傷心一花落無復怨一作戀

春輝

洞庭南館

一逕逗霜林朱欄遶碧岑地盤雲夢角山鎮洞庭心樹

白看煙起沙紅見日沉還因此悲屈惆悵又行吟

題贈仲儀上人院

星霜幾朝寺杳火靜居一作中人黃葉不經意青山無事

身拋生臺上日結座履中塵自說一時課一作乘果別來詩

更新

題聖女廟

古廟無人入蒼皮澀老桐蟻行蟬殼上蛇竄雀巢中淺
水孤舟泊輕塵一座蒙晚來雲雨去荒草是殘風

題山水障子

一見秋山色方憐畫手稀波濤連壁動雲物下簷飛嶺
樹冬猶發江帆暮不歸端然是漁叟相向日依依

詠風

搖搖歌一作遙輕 扇舉悄悄舞衣輕引笛秋臨塞吹沙夜

遶城向峯迴鴈影出峽送猿聲何似琴中奏依依別帶

情

奉和令狐相公送陳肱侍御

第七句
缺一字

高館動離瑟親賓聊歎稀笑歌情不盡歡待禮無違清
露府蓮結碧雲臯鶴飛還家與惠雨露豈殊歸

陪范宣城北樓夜讌

華軒敞碧流官妓擁諸侯粉項高叢鬢檀妝慢裹頭亞
身摧蠟燭斜眼送香毬何處偏堪恨千廻下客籌

憲宗皇帝挽歌詞

嗚咽上攀龍昇平不易逢武皇虛好道文帝未登封壽
域無千載泉門是九重橋山非遠地雲去莫疑峯

發蜀客

風吹魯國人飄蕩蜀江濱
濕地饒蛙黾衰年足鬼神時
清歸去路日復病來身千萬
長堤柳從他爛漫春

江城晚眺

重檻構雲端江城四鬱盤
河流出郭靜山色對樓寒浪
草侵天白霜林映日丹悠然
此江思樹杪幾牆竿

題樟亭

曉霽憑虛檻雲山四望通
地盤江岸絕天映海門空
樹

色連秋靄潮聲入夜風年年此光景催盡白頭翁

樂靜

引手強篋巾徐徐起病身遠心羣野鶴閒話對村人發
匣琴徽靜開鉢酒味真縱聞兵賦急原憲本家貧

登廣武原

廣武原西北華夷此浩然地盤山入海河遼國連天遠
樹干門邑高檣萬里船鄉心日云暮猶在楚城邊

觀宋州田大夫打毬

白馬頓紅纓
梢毬紫袖輕
曉冰蹄下裂
寒瓦杖頭鳴
义手膠黏去分鬃
線道絢自言無
戰伐髀肉已曾生

題丹陽永泰寺練湖亭

小檻俯澄鮮
龍宮浸浩然
孤光懸夜月
一片割秋天
淺派膚沙草餘波
漂岸船聊當
因畎澮披拂坐
潺湲

題程氏書齋

僻巷難通馬深園
不藉籬青蘿纏栢葉
紅粉墜蓮枝雨燕銜泥近風魚啞網遲
緣君尋小阮好是更題詩

毀浮圖年逢東林寺舊

可惜東林寺空門失所依翻經謝靈運畫壁陸探微隙
地泉聲在荒途馬跡稀殷勤話僧輩未敢保儒衣

貴池道中作

羸驂驅野岸山遠路盤盤清露月華曉碧江星影寒離
羣徒長泣去國自加餐霄漢寧無舊相哀自一作是語端

喜王子載話舊

相逢青眼日相歎白頭時累話三朝事重看一局棋歡

娛非老大成長是嬰兒且盡尊中物無煩更後期

秋日病中

析析簷前竹秋聲拂簾涼病加陰已久愁覺夜初長坐拾車前子行看肘後方無端憂食忌開鏡倍萎黃

訪許用晦

遠郭日曛曛停橈一訪君小橋通野水高樹入江雲酒興曾無敵詩情舊逸羣怪來音信少五十我無聞

題海鹽南館

故人營此地臺館尚依依黑夜山魈語黃昏海燕歸舊

陰楊葉在淺雨槿花稀無復南亭賞高簷紅燭輝

晚秋江上作

萬里窮秋客蕭條對落暉煙霞山鳥散風雨廟神歸地

遠蛩一作蟲

聲切天長鴈影稀那堪正砧杵幽思想寒衣

吳宮曲

日下苑西宮花飄一作開

香徑紅玉釵斜白燕羅帶羨青

蟲皓齒初含雪柔枝欲斷風可憐傾國艷一作色

誰信女

為戎

賦昭君塚

萬里關山塚
明妃舊死心恨為秋色
晚愁結暮雲陰夜
切胡風起天高漢月臨
已知無玉貌何事送黃金

哭汴州

一作夷門

陸大夫

利劍一作刃

一作刀

太堅操何妨拔一毛
寃深陸機霧憤積伍員

一作骨
濤直道非無驗一作險

明時不錄勞誰當青史上卒

為顯詞褒

晚夏歸別業

古岸扁舟晚荒園一徑微鳥啼新果熟花落故人稀宿
潤侵苔甃斜陽照竹扉相逢盡鄉老無復話時機

公子行

春色滿城池杯盤著看一作

處移燈金斜鴈子鞍帕嫩鵝

兒買笑歌桃李尋歌折柳枝可憐明月夜長是管弦隨

題曾氏園林

十畝長堤宅蕭疎半老槐醉眠風卷簾棋罷月一作

移

培所樹遺桑斧澆花濕筍鞋還將齊物論終歲自安排

讀始興公傳

歿世議方存昇平道幾論詩情光日月筆力動乾坤亂
首光雄算朝綱在典墳明時封禪績山下見丘門

中秋月

碧落桂含姿清秋是素期一年逢好夜萬里見明時絕
域行應久高城下更遲人間繫情事何處不相思

江西道中作三首

日落江村遠煙雲度幾重問人孤驛路驅馬亂山峯夜
入霜林火寒生水寺鐘淒涼哭途意行處又饑凶

西江江上月遠遠照征衣夜色草中網秋聲林外機諸
田牛路熟石岸客船稀無復是鄉井鷓鴣聊自飛

秋灘一望平遠遠見山城落日啼烏桕空林露寄生燒
禽殘火色盪漿夜溪聲况是曾遊處桑田小變更

題常州水西館

隙地叢筠植修廊列堵環樓臺疎占水岡岸遠成山盡

日草深映無風舟自閒聊當俟一作候芳夕一泛芰荷間

題李瀆山居玉潭

一作玉潭山居

古樹千年色蒼崖百尺陰颺寒泉氣靜神駭玉光沉上
穴青冥小中連碧海深何當煙月下一聽夜龍吟

題陸墉金沙洞居

東溪泉一眼歸卧愜高疎決水金沙靜梯雲石壁虛細
吟搔短髮深話笑長裾莫道遺名品嘗聞入洛初

題陸敦禮山居伏牛潭

伏牛真怪事餘勝幾人諳日彩沉青壁煙容靜碧潭泛
心何慮冷漱齒詎忘甘幸挈壺中物期君正興酣

旅次石頭岸

行行石頭岸身事兩相違舊國石邊遠故人江上稀水
聲寒不盡山色暮相依惆悵未成語數行鷗又飛

觀宋州于使君家樂琵琶

歷歷四弦分重來上界聞玉盤飛夜霓一作電金磬入秋

雲隴霧笳凝水砂風鴈咽羣不堪天塞恨青塚是昭君

箏

綽綽下雲煙微收皓腕鮮夜風生碧柱春水咽紅弦翠佩輕猶觸鶯枝澀未遷芳音何更妙清月共嬋娟

歌

一夜列三清聞歌曲阜城雪飛紅燼影珠貫碧雲聲皓齒嬌微發青蛾怨自生不知新弟子誰解轉喉輕

笙

董雙成一妙歷歷韻風篁清露鶴聲遠碧雲仙吹長氣

侵銀項濕膏膚漆瓢香曲罷不知處巫山空夕陽

五弦

小小月輪中斜抽半袖紅玉餅秋滴水珠箔夜懸風徵
調侵弦乙商聲過指攏只愁纓曲罷雲雨去巴東

蠶簾

一管妙清商纖紅玉指長雪藤新換束霞錦旋抽囊併
揭聲猶遠深含曲未央坐中知密顧微笑是周郎

笛

紫清人一管吹在月堂中鴈起雪雲夕龍吟煙水空虜
塵深漢地羌思切邊風試弄陽春曲西園桃已紅

舞

荆臺呈妙舞雲雨半羅衣裏裏腰疑折褰褰袖欲飛霧
輕紅躡躅風艷紫薔薇強許傳新態人間弟子稀

箜篌

星漢夜牢牢深簾調更高亂流公莫度沉骨嫗空嘆向
月輕輪甲迎風重絢條不堪聞別引滄海恨波濤

簫

清籟遠愔愔秦樓夜思深碧空人已去滄海鳳難尋杳
妙和雲絕依微向水沉還將九成意高閣竚芳音

夕次桐廬

百里清溪口扁舟此去過晚潮風勢急寒葉雨聲多成
出山頭鼓樵通竹裏過不堪無酒夜迴首夢煙波

入潼關

都城三百里一作連二百雄險此迴環地勢遙尊嶽河流側

讓關秦皇曾虎視漢祖昔龍顏何處梟兒輩干戈自不
間

南宮歎亦述玄宗追恨太真妃事

北陸冰初結南宮漏更長何勞却睡草不驗返魂香月
隱仙娥艷風殘夢蝶揚徒悲舊行跡一夜玉堦霜

題平望驛

一本無題字

一派吳興水西來此驛分路遙經幾日身去是孤雲雨
氣朝忙蟻雷聲夜聚蚊何堪秋草色到處重離羣

隋宮懷古

廢宮深苑路煩帝此東行往事餘山色流年是水聲古牆丹楓盡深棟黑煤生惆悵從今客經過未了情

偶蘇求至詰別

後六句與送蘇紹之歸嶺南詩同

幾年滄海別萬里白頭吟夜月江流闊春雲嶺路深珠
絲楊氏果翠耀孔家禽無復天南夢相思空樹林

秋霽

一作齋

垂老歸休意棲棲陋巷中暗燈棋子落殘語酒餅空滴

羃侵簷露虛疎入檻風何妨一蟬嚮自抱木蘭叢

詠史二首

漢代非良計西戎世世塵無何求善馬不筭苦生民外國讐虛結中華憤莫伸却教為後恥昭帝遠和親留名魯連去於世絕遺音盡愛聊城下寧知滄海深偶然飛一箭無事在千金迴望凌煙閣何人是此心

洞房燕

清曉洞房開佳人喜燕來乍疑釵上動輕似掌中迴暗

語臨

一作通

窓戶深窺傍鏡臺新妝

一作妝成

正舍思莫拂畫

梁埃

答僧贈柱杖

千迴掌上橫珍重遠方情客問何人與閩僧寄一莖畫
空疑未決卓地計初成幸以文堪採扶持力不輕

鶯鶯

深窺思不窮揭趾淺沙中一點山光淨孤飛潭影空暗

棲松葉露雙

一作輕

下蓼花風好是滄波侷垂絲趣亦同

塞下

萬里配長征連年憒野營入羣來揀馬拋伴去擒生箭
插雕翎闊弓盤鵠角輕問看行近遠西去受降城

憶雲陽宅

一別雲陽宅深愁度歲華翠濃春檻柳紅滿夜庭花鳥
影垂纖竹魚行踐淺沙聊當因寤寐歸思浩無涯

題造微禪師院

夜香聞偈後岑寂掩雙扉照竹燈和雪穿雲一作松月到

衣草堂疎磬斷江寺故人稀唯憶江南雨春風獨鳥歸

酬武蘊之乙丑之歲始見華髮余自悲遂成繼

和

賈生年尚少華髮近相侵不是流光促因緣別恨深憐
君成苦調感我獨長吟豈料清秋日星星共映簪

題萬道人禪房

何處鑿禪壁西南江上峯殘陽過遠水落葉滿疎鐘世
事靜中去道心塵外逢欲知情不動牀下虎留蹤

病後訪山客

久病倦衾枕獨行來訪君因逢歸馬客共對出溪雲新
月坐中見暮蟬愁處聞相歡貴無事莫想路岐分

題松汀驛

一本無題字

山色遠含空蒼茫澤國東海明先見日江白迥聞風鳥
道高原去人煙小徑通那知舊遺逸不在五湖中

處士隱居

斜日半飛閣高簾輕翳

翳一作簷遠

空清香芙蓉水碧冷琅

玕風絕岸泓泓湫修廊趾崇隆唯當餌仙术坐作朱顏

翁

早春錢塘湖晚眺

落日下林坂撫襟睇前蹤輕澌流迴浦殘雪明高峯仰
視天宇曠俯登雲樹重聊當問真界昨夜西巒鐘

濠州水館

高閣去煩燠客心遂安舒清流中浴鳥白石下遊魚秋
樹色凋翠夜橋聲裏虛南軒更何待坐見玉蟾蜍

石頭城寺

山勢抱煙光重門突兀傍連簷金

一作天

像閣半壁石龕

廊碧樹聚高頂清池占下方徒悲宦遊意盡日老僧房

傷遷客歿南中

故人何處歿謫宦極南天遠地身狼狽窮途事果然白
鬚纏過海丹旆却歸船腸斷相逢路新來客又遷

烏夜啼

忽忽南飛返危絲共怨悽暗霜移樹宿殘夜遠枝啼咽

絕聲重敘惜淫思乍迷不妨還報喜悞使玉顏低

題潤州金山寺

一本無上三字

一宿金山寺

一作頂

超然離世羣

一作水國分

微茫

僧歸夜船月

龍出曉堂雲樹色

一作影

中流見鐘聲兩岸聞翻思

一作因悲

在朝

一作城

市終日醉醺醺

題潤州甘露寺

一本無題字

千重構橫險高步出塵埃

日月光先見

一作到

江山勢盡

來冷雲歸

一作虛

水石清露滴樓臺况是東溟上平生意

一開

題杭州孤山寺

樓臺聳碧岑一徑入湖心不雨山長潤無雲水自陰斷
橋荒蘚澀空院落花深猶一作獨憶西窓月一作夜鐘聲在

北一作到此林

題餘杭一作妣縣龍泉觀一本無題字

四迴一作明山一面臺殿已嵯峨中路見山江一作遠上方

行石多天一作山晴花氣漫地暖鳥音一作聲和徒漱葛仙

井此生其一作真

一作

奈何

題徑山大覺禪師影堂

超然彼岸人一徑謝微塵見相即

一作想應

非相

一作想

觀身

豈是身空門性未滅舊里化猶新謾指堂中影誰言影

似真

題濠州鍾離寺

遙遙東郭寺數里占原田遠岫碧光合長淮清派連院
藏歸鳥樹鐘到落帆船唯羨空門叟棲心盡百年

秋夜宿靈隱寺師上人

一本此下有居字

月色荒城外江聲野寺中貧知交道薄老信釋門空露葉凋墮蘚風枝戛井桐不妨無酒夜閒話值生公

題蘇州靈巖寺

碧海西陵岸吳王此盛時山行今佛寺水見舊宮池亡國人遺恨空門事少悲聊當值僧語盡日把松枝

題蘇州楞伽寺

樓臺山半腹又此一經行樹隔夫差苑溪連勾踐城上

坡松徑澀深坐石池清况是西峯頂淒涼故國情

題蘇州思益寺

四面山形斷樓臺此迥臨兩峯高崕兀一水下淫滲鑿
石西龕小穿松北塢深會當來結社長日為僧吟

題重居寺

浮圖經近郭長日羨僧閒竹徑深開院松門遠對山重
廊標板榜高殿鎖金環更問尋雷室西行咫尺間

題善權寺

碧峯南一寺最勝是仙源峻坂依巖壁清泉泄洞門金函崇寶藏玉樹閟靈根寄謝香花叟一作林客高蹤不可援

題南陵隱靜寺

松逕上登攀深行煙靄間合流厨下水對聳殿前山潤
壁鳥音迥泉源僧步閒更憐飛一錫天外與雲還

題丘山寺

幾代儒家業何年佛寺碑地平邊海處江出上山時故
國人長往空門事可知淒涼問禪客身外即無為

題道光上人山院

真僧上方界山路正巖巖地僻泉長冷亭香草不凡火
田生白菌煙岫老青杉盡日唯山水當知律行嚴

贈廬山僧

一室鑪峰下荒榛手自開粉牌新蓮葉竹援小葱臺樹
黑雲歸去山明日上来便知心是佛堅坐對寒灰

題惠山寺

一作常州無
錫縣惠山寺

舊宅人何在空門客自過泉聲到池盡山一作月色上樓

多小洞生一作穿斜竹重堦夾細瘦一作沙殷勤望入一作城

市雲水暮鐘和

題虎丘寺

輕櫂駐迴流門登西虎丘霧青山月曉雲白海天秋倚
殿松株澀欹庭石片幽青蛾幾時墓空色尚悠悠

題普賢寺

何人知寺路松竹暗春山潭黑龍應在巢空鶴未還經
年來客倦半日與僧閑更共嘗新茗聞鐘笑語間

題虎丘東寺

雲樹擁崔嵬深行異俗埃寺門山外入石壁地中開仰
砌池光動登樓海氣來傷心萬古一作意金玉葬寒灰

題虎丘西寺

靄塵楚城外一寺枕通波松色入門遠岡形連院多花
時長到處別路半經過惆悵舊禪客空房深薜蘿

題招隱寺

千年載顯宅佛廟此崇修古井人名在清泉鹿跡幽竹

光寒閉院山影夜藏樓未得高僧旨煙霞空暫游

塞下曲

二十逐嫖姚分兵遠戍遼雪迷經塞夜冰壯度河朝促
放雕難下生騎馬未調小儒何足問看取劍橫腰

宿淮陰水館

積水自成陰昏昏月映林五更離浦櫂一夜隔淮砧漂
母鄉非遠王孫道豈沉不當無健嫗誰肯效前心

題小松

何處斷雲煙新移此館前碧姿塵不染清影露長鮮聳
地心纔直凌雲操未全可悲人自老何日是千年

夏日梅溪館寄龐舍人

東陽賓禮重高館望行期埽簾因松葉參瓜使竹枝捲
簾聞鳥近翻枕夢人遲坐聽津橋說今營太守碑

感河上兵

一聞河塞上非是欲櫂兵首尾誠須畏膏肓慎勿輕多
門徒可入盡室且思行莫為無媒者滄浪不濯纓

贈淮南將一作少
年行

年少好一作少
年足 風情垂鞭眇眼一作
賣眼 行帶金獅子小裘

錦麒麟獐揀匠一作選將 裝銀一作金 鐙堆一作推 錢買鈿箏李

陵雖效死時論亦輕生一作虛名

題惠昌上人一本下
有院字

半岩開一室香穟細氣氤石上漱秋水月中行夏雲律持僧講疏經誦梵書文好是風廊下遙遙挂褐裙

塞上曲

邊風捲地時日暮帳初移磧迥三通角山寒一點旗連
收榻索馬引滿射雕兒莫道功勲細將軍昔戍師

折楊柳

紅粉青樓曙垂楊仲月春懷君重攀折非妾妬腰身舞
帶榮絲斷嬌娥向葉噴橫吹凡幾曲獨自最愁人

採桑

自古多征戰由來尚甲兵長驅千里去一舉兩番平按
劍從沙漠歌謠滿帝京寄言天下將須立武功名

禪智寺

寶殿依山嶮臨虛勢若吞畫簷齊木末香砌壓雲根遠
景窓中岫孤煙竹裏一作海上村憑高聊一望鄉思隔吳門

寄題商洛王隱居

近逢商洛口知爾坐南塘草閣平春水柴門映夕陽隨
蜂收野蜜尋麝採生香更憶前年醉松花滿石牀

送客歸湘楚

無辭一杯酒昔日與君深秋色換歸鬢曙光生別心桂

花山廟冷楓樹水樓陰此路千餘里應勞楚客吟

登金山寺

古今斯島絕南北大江分水闊吞滄海亭高宿斷雲返
潮干澗落啼鳥半空聞皆是登臨處歸航酒半醺

御定全唐詩卷五百十

欽定四庫全書
欽定全唐詩卷五百十一

御定全唐詩卷五百十一

張祜

洛陽感寓

擾擾都城曉一作晚四開不關名利也塵埃干門甲第身

遙入萬里銘旌死後來洛水暮煙一作天橫莽蒼邙山

秋日露崔嵬須知此事堪為鏡莫遣黃金漫作堆

從軍行

少年金紫就光輝直指邊城虎翼飛一卷旌旄一作收千

騎虜萬全身出百重圍黃雲斷塞尋鷹去白草連天射

鷹歸白首漢廷刀筆吏丈夫功業本相依

愛妾換馬二首

一面妖桃千里蹄嬌一作芳姿駿骨價應齊乍一作試牽玉

勒辭一作起金棧一作埒催一作初整花鉢出繡閨去日豈無

沾袂一作袖泣歸時還有一作時猶解別頓衝嘶蟬娟躞蹀春風

裏暮一作一揮手搖鞭楊柳隄

綺

一作粉

閣香銷華廄空忍將行雨換追風休憐柳葉雙

眉翠

一作綠

却愛桃花兩耳紅侍宴永辭春色裏趁朝休

立漏聲中恩勞未盡情先盡暗泣嘶風

一作長

兩意同

此篇

一作陳

病宮人

一作表
不約詩

佳人卧病動經秋簾幕縊緣不挂鈎四體強扶膝夾膝

雙鬟慵插

一作整

玉搔頭花顏有幸君王問藥餌無徵待

詔愁惆悵近來消瘦盡淚珠時傍枕函流

觀杭州柘枝

舞停歌罷鼓連催軟骨仙

一作纖

蛾暫起來紅罨畫衫纏

腕出碧排方膀背腰迴旁收拍拍金鈴擺却踏聲聲錦

約摧看著遍頭香袖褶粉屏香

一作蘭

帕又重限

一作懷

周員外席上觀柘枝

一作周員外出

雙舞柘枝妓

畫鼓拖環錦臂攘小娥雙換舞衣裳金絲蹙霧紅衫薄

銀蔓垂花紫帶長鸞影乍迴頭並

一作對

舉鳳聲初歇翅

齊張一時歛腕折

一作

招殘拍斜斂輕身拜玉郎

觀楊瑗柘枝

促疊蠻鼈引柘枝卷簷虛帽帶交垂紫羅衫宛蹲身處
紅錦靴柔踏節時微動翠蛾拋舊態緩遮檀口唱新詞
看看舞罷輕雲起却赴襄王夢裏期

感王將軍柘枝妓歿

寂寞春風舊柘枝舞人休唱曲休吹

一作美人休舞曲停吹

鴛鴦

鉢帶拋何處孔雀羅衫付阿誰畫鼓不聞招節拍錦靴

空一作虛想挫腰肢今來座上偏惆悵

一作醉翻

曾是堂前

梨園一作見

教徹時

揚州法雲寺雙檜

謝家雙植本圖

一作南

榮樹老人因

一作亡

地變更朱頂鶴

知深蓋偃白眉僧見小枝生高臨月殿

一作戶

秋雲影靜入風簷

一作廊

從此

百年為上壽綠陰終借

暫時

一作是

行

憶游天台寄道流

憶昨天台到赤城幾朝仙籟耳中生雲龍出水風聲過

海鶴鳴臯日色清石筍半山移步險桂花當洞拂衣輕
今來盡是人間夢劉阮茫茫何處行

寄王尊師

天台南洞一靈仙骨聳冰稜貌瑩然曾對浦雲一作長
榜蒲

昧齒重來華表不知年溪橋晚下玄龜出草露朝行白
鹿眠猶憶夜深華蓋上更無人處話丹田

公子行

錦堂晝永繡簾垂

一作玉堂前
後畫簾垂

立却花驄待出時紅粉

美久擎酒勸青

一作錦

衣年少

一作健

僕臂鷹隨輕將玉杖敲

花片旋把金鞭約柳枝

一作絲

近地

一作晴日

獨遊三五騎等

閑行傍曲江池

寓懷寄蘇州劉郎中

時以天平
公薦罷歸

一聞周召佐明時西望都門強策羸天子好文才自薄
諸侯力薦命猶奇賀知章口徒勞說孟浩然身更不疑
唯是勝遊行未遍欲離京國尚遲遲

和杜牧之齊山登高

一作奉和池州杜員外重陽日齊山登高

秋溪南岸菊霏霏急管煩

一作繁

弦對落暉紅葉樹深山

徑斷碧雲江靜浦帆稀不堪孫盛嘲時笑願送王弘醉

夜歸流落

一作浪

正憐芳意在砧聲徒促授寒衣

題于越亭

扁舟亭下駐煙波十五年遊重此過洲觜露沙人渡淺

樹稍藏竹鳥啼多山銜落照欹紅蓋水蹙斜文捲綠羅

一作層闌漲水痕猶腸斷中

一作况

秋正圓月夜來誰

堪聞

一作可

唱異鄉歌

秋夜登潤州慈和寺上方

上方一
作塔

清夜浮埃暫歇

一作暫出
作歇

鄆塔輪金照露華鮮人行中

路月生海鶴語上方星滿天

樓影半

一作暗

連深岸水鐘

聲寒徹遠林

一作溪

煙僧房閉盡下樓去一半夢魂離

一作

歸世緣

寄獻蕭相公

東去江干

一作山

是勝遊禹湖興

一作相

望不堪愁謝安近

日違朝旨傳說當時允帝求暫向聊城飛一箭長為滄

海繫扁舟分明此事無人見白首相看未肯休

哭京兆龐尹

楊子江一作津頭昔共迷一為京兆隔雲泥故人昨日同

時弔舊馬今朝別處嘶向壁愁眉無復畫扶牀稚齒已

能啼也知世路名多一作堪貴歎一作誰信莊周論物一作物調

一
物
諭
齊

送周尚書赴滑臺

楚謠襦袴整三年喉舌新恩下九天鼓角雄都分節鉞

蛇龍舊國罷樓船
嵐河已在兵鉢內
堂柳空留鶴嶺前
多病無由酬一顧
鄂陵千騎去翩翩

和杜使君九華樓見寄

孤城高柳曉鳴鴉
風簾半鈎清露華
九峯聚翠宿危檻
一夜孤光懸冷沙
出岸遠暉帆欲落
入谿寒影鴈差斜
杜陵歸去春應早
莫厭青山謝眺家

送人歸蜀

錦城春色一作
翟 沂江源三峽經過
幾夜緩紅樹雨厓開

霽色碧巖千仞漲波痕蕭蕭暮雨荆王夢漠漠春煙蜀
帝魂長怨相如留滯處富家還憶卓王孫

酬答柳宗言秀才見贈

南下天台厭絕冥五湖波上汎如萍江鷗自戲為蹤跡
野鹿閑驚是性靈任子偶垂滄海釣戴遠虛認少微星
金門後俊徒相唁且為人間寄茯苓

題杭州天竺寺

西南山最勝一界是諸天上路穿巖竹分流入寺泉躡

雲丹井畔望月石橋邊洞壑江聲遠樓臺海氣連塔明
春嶺雪鐘散暮松煙何處去猶恨更看峯頂蓮

題杭州靈隱寺

峯巒開一掌朱檻幾環延佛地花分界僧房竹引泉五
更樓下月十里郭中煙後塔聳亭後前山橫閣前溪沙
涵水靜澗石點苔鮮好是呼猿火西巖深響連

中秋夜杭州翫月

萬古太陰精中秋海上生鬼愁緣辟照人愛為高明歷

歷華星遠霏霏薄暉影流江不盡輪曳谷無聲似鏡
當樓曉如珠出浦盈岸沙全借白山木半含清小檻循
環看長堤蹋陣行殷勤未歸客煙水夜來情

高閑上人

座上辭安國禪房戀沃州道心黃葉老詩思碧雲秋卷
軸朝廷錢書函內庫收陶欣入社叟生怯論經儔日色
屏初揭風聲筆未休長波溢一作浮海岸大點出嵩丘不
絕義之法難窮智永流殷勤一牋在留著看銀釣

題靈隱寺師一上人十韻

八十空門子深山土木骸片衣閑自衲單食老長齋道性終能遣人情少不乘櫈拘居上院薜荔俯層階洗鉢前臨水窺門外有一作掩柴朗吟揮竹拂高揖曳芒鞋逆

筭斜穿塢飛泉下噴崖種花忻土潤撥石慮沙埋舊往

師招隱初臨我詠懷何一作聊當緣一作因興覩更為表新

牌

投常州從兄中丞

扁舟何所往言入善人邦舊愛鵬搏海今聞虎渡江士

因為政樂儒為說詩降素履水容靜新詞玉潤縱金魚

聊解帶畫鷁稍移椿邀妓思一作坐逃席留賓命倒缸

史一作吏材誰是伍經術世無雙廣廈當宏構洪鐘併待

撞成龍須講邴展驥莫先龐應念宗中末秋螢照一牕

送王昌涉侍御

十里指東平軍前首出征諸侯青服舊御史紫衣榮入

陳梟心死分一作衝圉虎力生畫時安楚塞刻一作剋日下

齊城號令朝移幕偷蹤夜斫營雲梯曾險上地道慣深行舉旆招降將投戈趁敗兵自慙居虜者當此立功名

少年樂

一作貴家郎

二十便封侯名居第一流綠鬟深小院清管下高樓醉把金船擲閑敲玉鐙遊帶盤紅鼯鼠袍研紫犀牛錦袋歸調箭羅鞋起撥毬眼前長貴盛那信世間愁一作碧瓦坊牆

上朱橋柳巷頭眼前
長少貴那信有春愁

華清宮和杜舍人

五十年天子離宮舊粉

一作仰傾

牆登封時正泰御宇日初

何一作長上位先名實中興事憲章舉

一作起戎輕甲胄餘

地取河湟道帝玄元祖儒封孔子王因緣百司署聚會
一人湯渭水波搖綠秦山

一作郊

草半黃馬頭開夜照

馬馴金勒細鷹眼利星芒

一作鷹健玉鈴鏘

下箭朱弓滿鳴鞭皓腕

攘畋思獲呂望諫祇避周昌兔迹貪前逐梟心不早防

幾添鸚鵡勸頻先

一作羽

賜荔支嘗月鎖千門靜天高

一作吹

一笛涼細音搖翠

一作羽

佩輕步宛霓裳禍亂根

一作基

潛

結昇平意遽忘衣冠逃犬虜鼙鼓動漁陽外戚心殊迫

中途事可量雪

一作血

埋妃子貌

一作豔

刃斷祿兒腸近侍

煙塵隔前蹤輦路荒益知迷寵佞性

一作遺

恨喪忠

一作賢

刀斷祿兒腸近侍

良北闕尊明主南宮遜上皇禁清餘鳳吹池冷映

一作睡

龍光祝壽山猶在流年水共傷杜鵑魂厭蜀蝴蝶夢悲

莊雀卵遺雕拱蟲絲胥畫梁紫苔侵壁潤紅樹閉門芳

守吏齊駕瓦耕民得翠璫歡康

一作登年

昔時樂講武

舊兵場莫草深巖靄

一作翠

幽花墜徑香不堪垂白叟行

折御溝楊

穆護砂

玉管朝朝美清歌
日日新折花當驛路
寄與龍頭人

思歸樂二首

晚日催弦管
春風入綺羅
杏花如有意
偏落舞衫多
萬里春應盡
三江鴈亦稀
連天漢水廣
孤客未言歸

金殿樂

入夜秋砧動千聲
起四鄰不緣樓上月
應為龍頭人

牆頭花二首

蟋蟀鳴洞房梧桐落金井為君裁舞衣天寒剪刀冷
妾有羅衣裳秦王在時作為舞春風多秋來不堪著

胡渭州

楊柳千尋色桃花一苑芳風吹入簾裏唯有惹衣香

白鼻騮

為底胡姬酒長來白鼻騮摘蓮拋水上郎意在浮花

戎潭

風勁角弓鳴將軍獵渭城草枯鷹眼疾雪盡馬蹄輕

此首

即王維觀獵

詩前四句

楊下採桑

飛絲惹綠塵軟葉對孤輪今朝入園去物色強著人

宮詞二首

故國三千里深宮二十年一聲河滿子雙淚落君前

自倚能歌日先皇掌上憐新聲何處唱腸斷李延年

昭君怨二首

萬里迢城遠千山行路難舉頭唯見日一作月何處是長

安

漢庭無大議戎虜幾先和莫羨傾城色昭君恨最多

夕次竟陵

南風吹五兩日暮竟陵城腸斷巴江月夜蟬何處聲

信州水亭

南簷架短廊沙路白茫茫盡日不歸處一庭梔子香

蘇小小歌三首

車輪不可遮馬足不可絆長怨十字街使郎心四散
新人千里去故人千里來翦刀橫眼底方覺淚難裁
登山不愁峻涉海不愁深中擘庭前棗教郎見赤心

樹中草

青青樹中草託根非不危草生樹却死榮枯君可知

七里瀨漁家

七里垂釣叟還傍釣臺居莫恨無名姓嚴陵不賣魚

讀曲歌五首

窓中獨自起簾外獨自行愁見蜘蛛織尋思直到明
碓上米一作人不春窓中絲罷絡看渠駕去車定是無四角

不見心相許徒云脚漫勤摘荷空摘葉是底採蓮人
窓外山鼈立知渠脚不多三更機底下摸著是誰拔
郎去摘黃瓜郎來收赤棗郎耕種麻地今作西舍道

玉樹後庭花

輕車何草草獨唱後庭花玉座誰為主徒悲張麗華

莫愁樂

儂居石城下郎到石城遊自郎石城出長在石城頭

襄陽樂

大堤花月夜長江春水流東風正上信春夜特來

一作
待郎

遊

自君之出矣

自君之出矣萬物看成古千尋蕐蘚枝爭奈長長苦

夢江南

行吟洞庭句不見洞庭人盡日碧江夢江南紅樹春

將離岳州留獻徐員外

高齋長對酒下客亦霑魚不為江南去還來郡北居

題彭澤盧明府新樓

碧落新樓迴清池古樹間先賢盡為宰空看縣南山

贈禪師

坐見三生事宗傳一衲來已知無法說心向定中灰

江南逢故人

河洛多塵事江山半舊遊春風故人夜又醉白蘋洲

松江懷古

碧樹吳洲遠青山震澤深無人蹤范蠡煙水暮沈沈

書憤

三十未封侯顛狂遍九州平生鎧鉏劍不報小人讐

題孟處士

一作浩然宅

高才何必貴下位不妨賢孟簡雖持節襄陽屬浩然

首陽竹

首陽山下路孤竹節長存為問無心草如何庇本根

題僧影堂

寒葉墜清霜空簾著燼香生前既無事何事更悲傷

邊思

蘇武節旌盡李陵音信稀花當龍上發人向龍頭歸

題弋陽館

一葉飄然下弋陽殘霞昏日樹蒼蒼吳溪漫淬干將劍

却是猿聲斷客腸

題秀師影堂

陰陰古寺杉松下記得長明一焰燈盡日看山人不會
影堂中是別來僧

贈一作
題李修源一作送溫飛卿
赴方城

岳陽一作方城新尉曉衙參却是傍人意未甘昨一作盡夜與君思賈誼長沙一作瀟湘猶在洞庭南

瓜洲聞曉角

寒耿稀星照碧霄月樓吹角夜江遙五更人起煙霜靜

一曲殘聲遍一作送
落潮

金夕日人之二

卷五百十一

元日仗

文武千官歲仗兵萬方同軌奏昇平上皇一御含元殿
丹鳳門開白日明

連昌宮

龍虎旌旗雨露飄玉樓歌斷碧山遙玄宗上馬太真去
紅樹滿園香自銷

正月十五夜燈

千門開鎖萬燈明正月中旬動帝京三百內人連袖舞

一時天上著詞聲

上已樂

猩猩血綵繫頭標天上齊聲舉畫橈却是內人爭意切

六宮紅一作羅袖一時招

千秋樂

八月平時花萼樓萬方同樂奏

一作是

千秋傾城人看長

竿出一伎初成趙解愁

春鶯轉

興慶池南柳未開太真先把一枝梅
內人已唱春鶯轉
花下僗僗軟舞來

大酺樂二首

車駕東來值太平大酺三日洛陽城
小兒一伎竿頭絕
天下傳呼萬歲聲

紫陌酺歸日欲斜紅塵開路薛王家雙鬟笑一作前說樓

前鼓兩仗

妓一作

爭輪好落

結一作

花

邠王小管

虢國潛行韓國隨宜春深院映一作鬪花枝金輿遠幸無

人見偷把邠寧一作王小管吹

李謨笛

平時東幸洛陽城天樂宮中夜徹明一作鳴無奈李謨偷

曲譜耳一作酒樓吹笛是新聲

寧哥來

日映宮城霧半開太真簾下畏人猜黃翻綽指向西樹

不信寧哥回馬來

丁巳年仲冬月江上作

南來驅馬渡江漬消息前年此月聞唯是賈生先慟哭
不堪天意重陰雲

鄴中懷古

鄴中城下漳河水日夜東流莫記春腸斷宮中望陵處
不堪臺上也無人

讀池州杜員外杜秋娘詩

年少多情杜牧之風流仍作杜秋詩可知不是長門閉
也得相如第一詞

杭州開元寺牡丹

濃豔初開小藥欄人人惆悵出長安風流却是錢塘寺
不踏紅塵見牡丹

招徐宗偃畫松石

咫尺雲山便出塵我生長日自因循憑君畫取江南勝

留向東齋伴老身

平陰夏日作

西來漸覺細塵紅擾擾舟車路向東可惜夏天明月夜

土一作上山前面障南風

贈一本此下有元道二字處士

小徑上山山甚小每憐僧院笑僧禪人間莫道無難事
二十年來已是玄

邠娘羯鼓

新教邠娘羯鼓成大酺初日最先呈冬兒指向貞貞

一作

真說一曲乾鳴兩杖一作杖子輕

退宮人二首

開元皇帝掌中憐流落人間二十年長說承天門上宴
百官樓下拾金錢

歌喉漸退出宮闈泣話伶官上許歸猶說入時歡聖壽
內人初著五方衣

要娘歌

宜春花下雪千枝妃子偷行上密隨便喚要娘歌一曲

六宮生老是蛾眉

悖拏兒舞

春風南內百花時道唱

一作調

梁州急遍吹揭手便拈金

椀舞上皇驚笑悖拏兒

題靈徹上人舊房

寂寞空門支道林滿堂詩板舊知音秋風吹葉古廊下

一半繩牀燈影深

晚秋潼關西門作

日落寒郊煙物清古槐陰黑少人行關門西去華山色

秦地東來河水聲

贈內人

禁門宮樹月痕過媚眼唯看宿燕

一作
鶯

窠斜拔玉釵燈

影畔剔開紅焰救飛蛾

洛中作

元和天子昔平戎惆悵金輿尚未通盡日洛橋閑處看

秋風時節上陽宮

折楊柳枝二首

莫折宮前楊柳枝玄宗曾向笛中

一作玉笛

吹傷心日暮煙

霞起無限春愁生翠眉

凝碧池邊斂翠眉景陽樓下綰青絲那勝妃子朝元閣

玉手和煙弄一枝

華清宮四首

風樹離離月稍明九天龍氣在

一作有

華清宮門深鎖無

人覺半夜雲中羯鼓聲

天闕沈沈夜未央碧雲仙曲舞霓裳一聲玉笛向空盡

月滿驪山宮漏長

紅樹蕭蕭閣半開上

一作五

皇曾幸此宮來至今風俗驪

山下村笛猶吹阿濫堆

水

一作山

遶宮牆處處聲殘紅長綠露華清武皇一夕夢

不覺十二玉樓空月明

贈賣家小兒

深綠衣裳小小人每來聽裏解相親天生合去雲霄上

一尺松裁已出塵

聽崔苔侍御葉家歌

一本無苔字

宛羅重縠起歌筵活鳳生花動碧煙一聲唱斷無人和
觸破秋雲直上天

長門怨

日映宮牆柳色寒笙歌遙指碧雲端珠鉛滴盡無心語
強把花枝冷笑看

讀老莊

等閑緝綴閑言語誇向時人喚作詩昨日偶拈莊老讀

萬尋山上一毫釐

偶題

古來名下豈虛為李白顛狂自稱時唯恨世間無賀老
謫仙長在沒人知

別玉華僕侶

遶舍煙霞為四鄰寒泉白石日相親塵機不盡住不得

珍重玉山山上人

汴上送客

一作汴上同楊昇秀才送客歸

河流西下鴈南飛楚客相逢淚濕衣張翰思歸一作鄉何

太切扁舟不住又東歸

郵亭殘花

一作平原路 上題郵亭殘花

雲暗山橫日欲斜郵亭下馬對殘花自從身逐征西府

每到花時不在家

秋時一作曉送鄭侍御

離鴻聲怨碧雲淨楚瑟調高清曉天盡日相看俱不語

西風搖落數枝蓮

宿武牢關

行人候曉久裴徊不待雞鳴未得開堪羨寒溪自無事

潺潺一夜宿

一作向

關來

夜宿溢浦逢崔昇

江流不動月西沈南北行人萬里心況是相逢鴈天夕

星河寥落水雲深

京城寓懷

三十年持一釣竿偶隨書薦入長安由來不是求名者
唯待春風看牡丹

集靈一作虛臺二首

日光斜照集靈一作虛臺紅樹花迎曉露開昨夜上皇新

授籙太真含笑入簾來

號國夫人承主恩平明騎一作下馬入宮門却嫌脂粉污

顏色淡掃蛾眉朝至尊

此篇一作杜甫詩

感歸

行却去一作江南路樂千歸來不把一文錢鄉人笑我窮

寒鬼還似襄陽孟浩然

偶作

徧識青霄路上人相逢祇是語逡巡可勝飲盡江南酒
歲月猶殘李白身

勸飲酒

燒得硫黃漫學仙未勝長付酒家錢寶常不喫齊推樂

一作
却在人間八十年

樂

阿鶼湯

月照宮城紅樹芳綠窓燈影在雕梁金輿未到長生殿

妃子偷尋阿鶼湯

馬嵬坡

旌旗不整奈君何南去人稀北去多塵土已殘香粉豔
荔枝猶到馬嵬坡

太真香囊子

感金妃子小花囊銷耗胸前結舊香誰為君王重解得

一生遺恨繫心腸

雨霖鈴

雨霖鈴夜却歸秦猶見一作是張徽一曲新長說上皇和淚教月明南內更無人

聽歌二首

兒郎漫說轉喉輕須待情來意自生只是眼前絲竹和

大家聲裏唱新聲

此篇題一作聽劉端公田家歌

十二年前邊塞行坐中無語歎歌情不堪昨夜先垂淚

西去陽關第一聲

此篇題一
作耿家歌

聽箏

一作題宋州田大
夫家樂丘家寧

十指纖纖玉筍紅鴈行輕遏翠弦中分明似說長城苦

水咽雲寒一夜風

王家琵琶

金屑檀槽玉腕明子弦輕撚為多情只愁拍盡涼州破

畫出風雷是撥聲

李家柘枝

紅一
細

鉛拂臉細腰人金繡羅衫軟著身長恐舞時殘

拍盡却思雲雨更無因

楚州韋中丞箜篌

千重鉤鎖撼金鈴萬顆真珠寫玉瓶恰值滿堂人欲醉
甲光纔觸一時醒

邊上逢歌者

垂老秋愁一
歌出塞庭遏雲相付舊秦青少年翻擲新

聲盡却向人前側傾一
耳聽

馬嵬歸

雲愁鳥恨驛坡前子子龍旗指望賢無復一生重語事

柘黃衫袖掩潛然

塞上聞笛

一作董家笛

一夜梅花笛裏飛冷沙晴檻月光輝

一作陽春白
雪復輝輝

北風

吹盡向何處

一作東風
定北風起却

高入塞雲燕鴈稀

經舊遊

去年來送行人處依舊蟲聲古岸南斜日照溪雲影斷

水漢花穗倒空潭

東山寺

寒色蒼蒼老柏風石苔清滑露光融半夜四山鐘磬盡
水精宮殿月玲瓏

峯頂寺

月明如水山頭寺仰面看天石上行夜半深廊人語定
一枝松動鶴來聲

題潤州鶴林寺

古寺名僧多異時道情虛遣俗情悲千年鶴在市朝變
來去舊山人不知

題勝上人山房

清晝房廊山半開一瓶新汲灑莓苔古松百尺始生葉
颯颯風聲天上来

李夫人詞

延年不語望三星莫說夫人上涕零爭奈世間惆悵在

甘泉宮夜看圖形

題金陵渡

金陵津渡小山樓
一宿行人自可愁
潮落夜江斜
月裏
兩三星火是瓜州

過陰陵

一本下
有山字

壯士悽惶到山下
行人惆悵上山頭
生前此路已迷失
寂寞孤魂何處遊

縱遊淮南

十里長街市井連
月明橋上看神仙
人生只合揚州死

禪智山光

一作邊

好墓田

登樂遊原

幾年詩酒滯江干水積雲重思萬端今日南方惆悵盡

樂遊原上見長安

過石頭城

纍纍墟墓葬西原六代同歸蔓草根唯是歲華流盡處

石頭城下水千痕

黃蜀葵花

名花八葉嫩黃金色照書窓透竹林無奈美人閑把嗅

直疑檀口印中心

楊花

散亂隨風處處勻庭前幾日雪花新無端惹著潘郎鬢
驚殺綠窗紅粉人

薔薇花

曉一作明 風抹盡燕支顆夜雨催成蜀錦機當畫開時正

明媚故鄉疑是買臣歸

戲顏郎中獵一本無
戲字

忽聞射獵出軍城人著戎衣馬帶纓倒把角弓呈一箭

滿川狐兔當頭行

江上旅泊呈杜員外

牛渚南來沙岸長遠吟佳句望池陽野人未必非毛遂
太守還須是孟嘗

容兒鉢頭

爭走金車叱鞅牛笑聲唯是說千秋兩邊角子羊門裏

猶學容兒弄鉢頭

熱戲樂

熱戲爭心劇火燒銅槌暗熱

一作執

不相饒上皇失喜寧

王笑百尺幢竿果動搖

玉環琵琶

宮樓一曲琵琶聲滿眼雲山是去程回顧段師非汝意
玉環休把恨分明

題酸棗驛前碑

蒼苔古澀自一作雕疎誰道中郎筆力餘長愛當時遇

字

雕疎

誰道中郎筆力餘長愛當時遇

王粲每來碑下不關書

題朱兵曹山居

朱氏西齋萬卷書水門山閣自高疎我來穿穴非無意
願向君家作壁魚

題畫僧二首

骨峭情一作高彼岸人一杯長泛海為津僧儀又入清

清

一作

高

彼岸人

一作

長

泛海

為津

僧儀

又入清

流品却恐前生是許詢

此篇題一作酬信上人贈張僧繇畫僧

人贈

張僧繇

畫僧

瘦頸隆肩碧眼生

一作僧

翰林親讚虎頭能終年不語看

如意似證禪心入大乘

送走馬使

新樣花文配蜀羅同心雙帶蹙金蛾
憒將喉舌傳軍好

一作號馬跡鈴聲遍兩河

題御溝

萬樹垂楊拂御溝溶溶漾漾遶神州
都緣濟物心無阻
從此恩波處處流

題青龍寺

二十年沈滄海間一遊京國也應閑人人盡到求名處
獨向青龍寺看山

硫黃

一粒硫黃入貴門寢堂深處問玄言時人盡說韋山甫
昨日餘干弔子孫

散花樓

錦江城外錦城頭回望秦川上轉憂正值血魂來夢裏

杜鵑聲在散花樓

王家五弦

五條弦出萬端情燃撥間關漫態生唯羨風流田太守

小金鈴子耳邊鳴

聽薛陽陶吹蘆管

紫清人下薛陽陶未曲新笳調更高無奈一聲天外絕
百年已死斷腸刀

過汾水關

千里南來背日行。關門無事一候羸。山根百尺路前去。

十
半一作夜耳中汾水聲。

櫻桃

石榴未拆梅猶小。愛此山花四五株。斜日庭前風裏裏。

碧油千片漏紅珠。

酬凌一作靈秀才惠枕一作虎枕

八寸黃楊惠不輕。虎頭光照簟文清。空心想此緣成夢。

拔劍燈前一夜行。

感春申君

薄俗何心議
感恩詣容卑
迹賴君門春
申還道三千客
寂寞無人殺李園

孟才人歎

并序

武宗皇帝疾篤遷便殿
孟才人以歌笙獲寵者密
侍其右上目之曰吾當不諱爾何為哉指笙囊泣
曰請以此就縊上憫然復曰妾嘗藝歌請對上歌
一曲以泄其憤上以懇許之乃歌一聲河滿子氣亟

立殯上令鑿候之曰脈尚溫而腸已絕及帝崩柩重
不可舉議者曰非俟才人乎爰命其櫬櫬至乃舉嗟
夫才人以誠死上以誠命雖古之義激無以過也進
士高璩登第年宴傳於禁伶明年秋貢士文多以為
之目大中三年遇高於由拳哀話於余聊為興歎

偶因歌態詠嬌嚙一作清唱
奏歌頻傳唱一作選入宮中十二春却

為一作絕後一聲河滿子下泉一作九泉須弔舊才人

聽簡上人吹蘆管三首

蜀國僧吹蘆一枝隴西游客淚先垂至今留得新聲在
却為中原人不知

細蘆僧管夜沈沈越鳥巴猿寄恨吟吹到耳邊聲盡處
一條絲斷碧雲心

月落江城樹繞鴉一聲蘆管是天涯分明西國人來說
赤佛堂西是漢家

聽岳州徐員外彈琴

玉律潛符一古琴指人心見聖人心盡日南風似遺意

九疑猿鳥滿山吟

鉤弋夫人詞

惆悵雲陵事不廻
萬金重更築仙臺
莫言天上無消息
猶是夫人作鳥來

鴻溝

龍蛇百戰爭天下
各制雄心指此溝
寧似九州分國土
地圖初割海中流

悲納鐵

長聞為政古諸侯使佩刀人盡佩牛誰謂今來正耕墾
却銷農器作戈矛

胡渭州

亭亭孤月照行舟寂寂長江萬里流鄉國不知何處是
雲山漫漫使人愁

破陣樂

秋風四面足風沙塞外征人暫別家千里不辭行路遠
時光早晚到天涯

楓橋

長洲苑外草蕭蕭
卻算游程歲月遙
唯有別時今不忘
暮煙疎雨過楓橋

句

萬國見清道一身成白頭

上令狐相公
以下見紀事

此地榮辱盛

豈宜山中人

晚秋

椿兒遶樹春園裏桂子尋花夜月中

見桂苑
叢談

一身扶杖二兒隨

見野客
叢談

夏雨蓮苞破秋

風桂子彫

題天竺寺並見海錄碎事

杜鵑花發杜鵑叫烏臼

花生烏白啼 茶風無奈筆酒禿不勝簪

御定全唐詩卷五百十一


謹案卷五百十第三頁後八行妾身如轍遺漸遠


按別本遺作移

第四頁後六行焦桐彈罷絲自絕按別本彈罷作罷彈

第九頁後六行勿謂今劉二刊本勿訛忽據別本改

卷五百十一第二頁後三行碧排方膀背腰迴刊
本迴訛來據才調集改





總校官庶吉士臣張能照
校對官庶吉士臣許兆椿

謄錄監生臣馬植基